

THESES JURIDICÆ  
DE DOMINIO,  
ET EIVS MODIS AC-  
QUIRENDI NATURALIBUS:  
MATERIA NON MINVS  
utili quàm frequente.


*Quas*  
AVSPICIO SACROSANCTAE  
TRINITATIS,

*Sub Praesidio*

CASPARI BITSCHII *J. U. D.*  
ET PANDECTARUM ARGEN-  
toratensis in Academia Professoris,


Publicè defendendas suscepit,  
Mense Augusto:

PETRUS LINDELAUFF  
*Viennensis Austriacus.*




ARGENTORATI,

Excudebat Antonius Bertramus Academia Typographus.  
M. DC. XIII.



THESES IURIDICAE.  
DE DOMINIO, ET EIUS ACQUI-  
rendi modis naturalibus.

 *VM Platonis ex sententia felix atq; beata censenda sit Respublica illa, in qua he voces MEUM & NON MEUM rarissimè audiantur: teste Plutarcho in præcept. Coniug. id autem, postquam, usu exigente & humanis necessitatibus, distinctio dominiorum est introducta, commodius fieri non possit, quàm si certis quibusdam ex naturali atq; civili ratione depromptis regulis atq; præceptis propositis, quid cuiusq; sit, vel quomodo quid cuiusq; fiat, doceatur; & hoc pacto contentiones atq; dissidia præcidantur: quod Jureconsultorum in scholis fit: opere pretium nos facturos putavimus, si publicæ exercitationis Juridicæ gratiâ, hac potissimum de materiâ Theses aliquas nunc proponeremus.*

## T H E S I S I.

Dominium à Domino dici, haud dubium;  
dominum verò à domo (a) appellari, veri-  
simile est.

a) Quò facit illud Vlpiani in l. 95. §. 2. ff. d. verb. signif. Patrem-  
familias dici illum qui in domo dominium habet. Et illud Senecæ epist. 47.  
Dominum patremfamilie appellaverunt, &c domum pusillam Rempublicam  
esse iudicaverunt. Et illud Ennij, O domus antiqua, heu quam dispari do-  
minari domino? apud Ciceron. lib. 1. offic. Quomodo & apud Græcos,  
δῖκος & δῖκλος domus est; δῖκός, proprium; δῖκλος, qui in mancipio do-  
mini est servus, seu familiaris.

## I I.

Definitiones, eius leguntur variae: Nobis  
hæc placet, quod sit *Jus*, quo res corporalis (a) sua  
cuiq; propria (b) est.

a) l. 4. pr. ff. communi dividundo. l. 3. 11. ff. de donat. int. vir. & uxor.  
& Reivocabulum in hoc tractatu, de acquirendo rerū dominio; ut &  
in materiā Rei vindicationis, & vſucapionis; semper de re corporali  
accipitur. Incorporalium verò rerum, veluti servitutum, usufructus,  
pignoris, dotis, aliorumve iurium, dominium aliquod esse, nec ma-  
nifesto aliquo Iuris Iustiniani textu, nec ullā ratione idoneā ex eo-  
dem petitā astrui posse putamus; edocti commentarijs absolutissimis  
Clarissimi & Consultissimi Dn. Doctōris Iusti Meieri, præceptoris  
nostri honorandi, quibus & alia plæraq; huius disputationis acce-  
pta nos referre, semel profiteamur. (b) In eo forma dominij con-  
sistere videtur: atq; idcirco in l. 13. ff. d. acquir. rer. domin. dicitur, domi-  
nium id est proprietatis. Libera verò rei administratio l. 21. C. Mandati. &  
alienatio l. 2. ff. si à par. quis man. sit. l. 14. C. d. contrah. empt. potius for-  
mæ illius consequens (quamvis non omninò perpetuum s. t. Inst.  
Quib. alien. licet.) & dominij finis vel effectus, quàm forma ipsa esse  
videtur.

*Dividi*



### I I I.

*Dividi in species veras Jure Justinianeonon  
posse, sed ipsum infima speciei nomen esse, arbi-  
tratur.*

### I V.

*Nam quod in Directum & Utile dispe-  
scitur; id propter usum quidem forensem neq;  
contemnendum, neq; ignorandum est: sed tamen  
sciendum, non juris Civilis id inventum, sed  
interpretum commentum esse.*

### V.

*Distinctionem tamen eius in dominium  
plenum, vel purum, & minus plenum vel  
nudum, libenter admittimus.*

*arg. S. ult. Inst. de usufructu. l. 73. pr. ff. de legat. 3. l. 3. §. 2. C. Com-  
mun. de legat. &c.*

### V I.

*Acquiritur autem Dominium, vel Jure  
Naturali sive Gentium, vel Jure Civili.*

*§. 11. Inst. d. rer. divis. l. 1. ff. d. acquir. rer. domin.*

### V I I.

*Modi acquirendi dominij Jure Naturali,  
de quibus solis iam nobis agere est propositum,  
multi sunt, & varij.*

### V I I I.

*Primus, isq; antiquissimus, (a) est Occupa-  
tio: (b) id est Apprehensio rei vacua. (c)*

a) Vnde Nerva, ex naturali possessione dominia rerum cœ-  
pisse, dicit, l. 1. §. 1. ff. de acquir. vel omitt. poss. Et Cicero lib. 3. de offic.  
inquit: Privata primum extitisse veteri occupatione, ut qui quondam  
in vacua venerunt. (b) *Occupare* propriè est, quòd n medio, sive in  
medium atq; in commune positum est, anteceteros capere: ut Lau-  
rentius Vallæ scribit lib. 5. elegant. cap. 57. vel, ut Paulus I Ctus loquitur  
in d. l. 1. §. 1. ff. de acquir. poss. primum possessionem alicuius rei appre-  
hendere, sive primum rei possessionem nancisci. (c) *Vacua* autem ut sit,  
nò sufficit ut in nullius privati sit dominio, sed requiritur etiam, ut ne  
quidem in Civitatis seu populi pecunia sive patrimonio sit. Hæ enim  
res, licet respectu rerum quæ singulorum sunt, nullius esse dicantur. l. 1.  
pr. ff. d. rer. divis. tamè ratione rerum earum quæ communes sunt omni-  
um, non sunt nullius arg. §. 39. in fin. Inst. h. t. sed ad civitatem aut populũ,  
vel, qui huius loco est, Principem, pertinent. l. 18. ff. d. acquir. rer. domin. l.  
6. l. 32. ff. d. cõtrah. empr. Item requiritur, ut nec revera sit alicuius, neq;  
alicuius esse fingatur: veluti res hereditariæ d. l. 1. pr. ff. de rer. divis. He-  
reditas enim harũ rerum videtur esse dominus, l. 13. §. 1. ff. ad l. Aquil. seu  
domina, & defuncti locum obtinere l. 31. §. 1. ff. d. hered. inst. sive do-  
mini loco habetur. l. 15. ff. de interrog. in iure faciend. Deniq; requiri-  
tur, ut actu quidem sit nullius, & à domino vacua; potestate tamen  
alicuius fieri & in alicuius dominio esse possit: sive ut sit commercio.  
Privatio enim eorum est, quæ apta sunt ad percipiendum habitum,  
Arist. in Categor. Non igitur huc pertinent res divini iuris, h. e. sacræ,  
religiosæ, & sanctæ: quippe quæ tam potestate quàm actu nullius sunt,  
pr. & §. 7. & 10. Instit. de rer. divis. §. 2. Instit. de iuril. stip.

# I X.

*Et si verò occupatione non modò acquiruntur  
fera bestia: (a) sed etiam lapilli & gemmæ, &  
cetera quæ in littore maris inveniuntur: (b) &  
ipsum littus ac fundus maris: (c) & insula in  
mari nata: (d) & thesaurus: (e) & res pro de-  
relictò habita: (f) & quodammodo species novè  
facta:*

facta: (g) & in genere quæcumq<sup>3</sup>, naturali iure sunt communia omnium: (h) imò & ea quæ sunt hostium. (i)

a) d. §. 12. Instit. h. t. (b) §. 18. Instit. h. t. (c) l. 18. pr. l. 30. in fin. ff. d. acquir. rer. domin. l. 45. ff. d. usurp. & usucap. (d) §. 22. Instit. eod. e). l. 31. §. 1. ff. d. acquir. rer. domin. (f) §. 46. Instit. h. t. l. 36. ff. d. stipul. servor. (g) l. 7. §. 7. in pr. l. 30. in fin. ff. d. acquir. rer. domin. (h) dictum thes. precedente. (i) §. 17. h. t. l. 1. §. 1. ff. d. acquir. possess.

X.

Tamen vestigia Imp. Justiniani in Institutionibus prementes, in specie de Occupatione ferarum loquimur: quæ omnia animalia fera, (a) quæ terra, mari, cælo (b) nascuntur, (c) simul atq<sup>3</sup>, ab aliquo capta (d) fuerint, statim illius esse incipiunt. (e)

a) Fera autem in iure dicuntur non præcisè quæ naturâ sunt ferocia: ut ursi, leones, lupi &c. quæ propriè Bestiæ vocantur. l. 1. §. 6. vers. Bestiæ. ff. de postul. l. 2. ff. ad L. Aquil. sed generaliter omnia, quibus immensa atq<sup>3</sup>, infinita liberè vagandi vis naturâ insita est: qualia sunt lepores, damæ, cervi &c. arg. l. 3. §. ult. ff. d. acquir. rer. domin. l. 3. §. 12. ff. d. acquir. possess. §. 12. Inst. h. t. Aliud in ijs quæ feram naturam non habent §. 16. Inst. h. t. l. 5. §. 6. ff. de acquir. rer. domin. (b) id est, aëre. Sic etiâ volatilia cali. Gen. 1. vers. 26. 28. 30. Cic. 1. Tuscul. vi penetrat cælum hoc in quo nubes, imbres, ventig, coguntur &c. Virgil. 1. Georg. Varium cæli prædîscere morem. (c) Capiuntur inquit Gaius l. 1. ff. d. acquir. rer. dom. & Paulus in l. 1. §. 1. ff. de acquir. vel amitt. poss. & l. 26. ff. d. furt. At nascuntur Justinianus, in pr. Inst. de Jure Natur. Gent. & Civilis, & in pr. 12. Inst. d. rer. divis. ut & Vlpian. in l. 1. §. 3. ff. d. Justit. & Jure. Non malè. Nam & Aristoteles tradidit, animantium quorundam ortum esse in aëre, teste Cicer. lib. 2. d. nat. Deorum: non quòd absolutè in aëre sint & generentur, ut pisces in aqua; id enim aliter se habere, docet idem lib. 4. meteorolog.

rolog. cap. 4. & lib. 1. de hystor. animal. cap. 1. sed quod terrenum aliquod subiectum, sublatum, seu sustentaculum habeant: veluti sunt aves, quæ in iugis montium, summitatibus arborum, culminibus domorum nidulantur. (d) non tantum vulnerata § 12. Inst. b. t. l. 1. §. 1. ff. d. acquir. rer. domin. (e) d. §. 12. Inst. b. t. & d. l. 1. §. 1. ff. d. acquir. rer. domin.

#### X I.

*Non autem interest, an quis ista animalia in suo fundo ceperit, an in alieno.*

d. §. 12. l. 3. §. 1. ff. d. t.

#### X I I.

*Potest tamen qui alienum fundum venandi aucupandi ve (adde & qui alienum stagnum (a) piscandi) gratiâ ingreditur, à domino, si is præviderit, prohiberi ne ingrediatur: (b) & si contra prohibitionem ingrediatur nihilominus, iniuriarum tenebitur (c): atq; etiam interdicto uti possidetis (d): & de vi, si vim fecerit. (e)*

a) l. 13. ult. ff. d. iniur. b) §. 12. Inst. b. t. l. 3. §. 1. ff. d. acquir. rer. domiq. c) d. l. 13. §. ult. ff. de iniur. d) l. 14. ff. de iniur. l. 3. §. 2. & seqq. ff. uti possid. e) l. 21. §. 7. ff. d. furt.

#### X I I I.

*Quid autem si quis sic contra prohibitionem ingressus, aliquid ceperit: eritne id quod captum est, capientis? an nullius? an domini prohibentis? Hoc postremum nobis videtur.*

Non capientis, (quamvis hoc plerisq; placeat) quia in questione illa: An aper qui in laqueum à me in fundo alieno positum ita incidit, ut eluctari nullo modo possit, meus (h. e. capientis) fuerit; Interesse dicit Proculus in l. 55. ff. de acquir. rer. domin. utrum permissu eius cuius fundus



fundus erat laqueum posuerim, an non permisso. Non autem inter-  
 esset, si etiam non permittente domino laqueum ponens, meum face-  
 rem. Quò etiam videntur facere verba illa *re integrà*, in §. 14. *Inst. h. t.*  
 quibus significatur, *re integrà*, id est antequam quid in alieno captum  
 sit, prohibitum non acquirere dominium animalis capri: *re non inte-*  
*grà* prohibitum, acquirere. Alioqui verba illa erunt otiosa & super-  
 flua. Sed & non convenit, ut eodem iure utatur is qui vi facit atq; ille-  
 gitimè, quo utitur is, qui facit iure: exemplo l. 2. §. 15. ff. *ne quid in loco publ.*  
 Non etiam nullius: quia utiq; apprehensum & occupatum est: nec am-  
 plius in naturali suà libertate & laxitate, d. §. 12. *Instit. h. t. l. 3. §. 14. ff. de*  
*acquir. possess.* Sed eius qui dominus fundi est: quasi per capientem ipse ce-  
 perit. (Per alium enim nobis possessionem & dominium acquiri po-  
 test, & quidem etiam ignorantibus, §. pen. in fin. *Inst. per quas pers.*  
*cuiq; acquir. l. 13. pr. ff. de acquir. rer. dom. l. 34. §. 1. l. 47. §. ult. ff. de acquir.*  
*vel amitt. poss. l. 1. C. eod. tit.*) Quomodo etiam dominus fundi in quo  
 thesaurum alius invenit, per occupationem & factum inventoris, di-  
 midiam thesauri partem acquirit l. 63. pr. & §. 3. ff. *de acquir. rer. domin.*  
 & per factum furis proprietarius vel bonæ fidei possessor fit dominus  
 fructuum decertorum. l. 12. §. 5. ff. *d. usufructu l. 25. §. 1. ff. d. usur.* & si-  
 cut donasse intelligitur materiam domino soli, qui malà fide in alieno  
 ædificavit. §. 30. *Inst. h. t.* Sic donandi animo operam atq; ministerium  
 suum domino fundi in occupando præstitisse videri potest is, qui in  
 alieno malà fide aucupatus, venatus, piscatus est.

#### X I V.

*Ceterum animalia illa captata mdium nostra  
 esse intelliguntur, donec nostrà custodià coërcen-  
 tur, (a) & à nobis possidentur: (b) cum verò in  
 libertatem, sive laxitatem (c) naturalem sese  
 receperint, (d) nostra esse desinunt, & rursus oc-  
 cupantis fiunt. (e)*

a) d. §. 12. *Inst. h. t. & d. l. 3. §. 2. ff. de acquir. rer. domin.* (b) velu-  
 ti si feras in vivarijs, pisces in piscinà, aves in ornithone seu aviario,

apes in alveo habeamus. l. 3. §. 14. ff. d. acquir. vel omitt. possess. Cui ac. lib. 4. obser. 2. (c) l. 55. ff. de acquir. rer. domin. (d) veluti si in sylva sint, etiam circumseptâ: vel in stagno aut lacu: vel in arbore. d. l. 3. §. 14. ff. d. acquir. vel omitt. poss. Cui. ac. d. lib. 4. obs. 2. (e) d. §. 12. Inst. b. 1. & d. l. 3. §. 2. ff. de acquir. rer. domin.

#### X V.

*Non idem in animalibus fera natura ijs, quæ ex consuetudine abire & redire, vele volare & revolare solent: (a) sed in his talis regula comprobata est: ut eò usq; nostra esse intelligantur, donec animum revertendi habeant: (b) quamvis à nobis non possideantur. (c)*

a) Veluti apes, pavones, columbæ §. 15. Inst. b. 1. l. 5. §. 5. ff. d. acquir. rer. dom. b) d. d. locis. c) l. 47. ff. d. acquir. vel omitt. poss.

#### X V I.

*Secundus modus acquirendi iure naturali, est occupatio in bello, seu acquisitio prædæ: Quæ (a) enim ex hostibus (b) capimus, statim nostra sunt. (c)*

a) Mobilia scilicet. l. 29. §. 1. ff. de capt. & possim. revers. b) Hostes autem in iure nostro dicuntur esse ij, quibus bellum publicè Populus Romanus decrevit, vel ipsi populo Romano. l. 24. ff. de capt. & possim. revers. l. 118. ff. de verb. signif. Quales Romanis præcipuè fuisse Germanos innuit Vlpianus in d. l. 24. docet autem gravissimè Corn. Tacitus in lib. de Mor. German. c) §. 17. Inst. b. 1. l. 5. §. ult. ff. de acquir. rer. dom. l. 1. §. 1. ff. de acquir. poss.

#### X V I I.

*Atq; hoc acquirendi modo etiam liberi homines in potestatem & dominium nostrum rediguntur.*

d. S. 17. l. 7. in pr. ff. de acquir. rer. dom. S. 4. Inst. de iure pers. Sic S. Petrus 2. epist. cap. 2. *Aquo quis superatus est, huius & servus est.*

## X V I I I.

Tertius modus est, Inventio (a) lapillorū, gemmarum, margaritarum, aliarumq; rerum, (b) quæ in mari, vel littore maris (c) inveniuntur. Hac enim jure naturali statim inventoris sunt. (d)

a) Quæ non fit oculis & animo solo, sed manibus & apprehensione l. 1. § 1. l. 3. § 3. vers. ult. ff. de acquir. vel omitt. poss. l. 13. C. de fideiuss. Occupatio enim requiritur, ut res quæ nullius est, nostra fiat; dict. sup. thes. 8. & 9. sed ea sine apprehensione fieri nequit: & res mobiles non aliter, nisi quatenus in custodiâ nostrâ sunt, possidentur, l. 3. §. 13. l. 47. ff. de acquir. possess. (b) Quæ nullius sunt sup. thes. 8. & 9. aliâs secus §. ult. Inst. de rer. divis. Adde infra thes. 36. (c) Imò ipsum mare, & terra si ve arena maris, nec non littus, quæ nullius sunt, §. 1. & 5. Inst. h. t. per ædificationem in mari aut littore, quasi per apprehensionem quandam & occupationem acquiruntur; l. 14. pr. l. 30. in fin. ff. de acquir. rer. dom. l. 45. ff. de usurp. & usucap. quatenus scilicet ædificij pars sunt l. 20. §. 2. ff. d. servit. præd. urb. l. 5. §. ult. ff. quib. mod. usufr. vel usus amitt. l. 16. §. 2. ff. de pignor. l. 98. §. 3. vers. Nec simile ff. de solut. & liberat. Ideoq; diruto ædificio, revertitur locus in pristinam causam l. 6. pr. ff. de rer. divis. d. l. 14. ff. de acquir. rer. dom. (d) §. 18. Inst. h. t. l. 3. §. 1. ff. de acquir. vel omitt. possess.

## X I X.

Quartus est, Foetura animalium (a) dominio nostro subiectorum. Naturali enim iure foetus ad dominum animalis, cuius is foetus est, pertinet. (b)

a) Etiam rationaliū. Nam de partu ancillæ dicitur in l. 12. ff. de Rei vindicat. (b) §. 19. Inst. h. t. l. 2. l. 6. ff. de acquir. rer. domin. Atquid-

Et si equam meam equus tuus prægnantem fecerit, non est tuum, sed meum quod natum est. l. 5. §. 2. ff. de Rei vind. l. 52. §. 20. ff. de furto.

X X.

Quintus est Alluvio. Quod enim per alluvionem agro tuo flumen adiecit, iure gentium tibi acquiritur.

§. 20. Inst. h. t. l. 7. §. 1. ff. de acquir. rer. dom. Aliud dicendum, si vis fluminis adiecerit. §. 21. Inst. eod. tit. d. l. 7. §. 2.

X X I.

Sextus est Acquisitio Insulæ: de qua hæc est regula: quod insula in mari nata, fiat occupantis: in flumine virò nata, fiat eorum, qui vicina prædia possident.

§. 22. Inst. h. t. l. 65. ff. d. acquir. rer. domin.

X X I I.

Septimus est: alvei mutatio. Si enim flumen Alveo naturali derelicto in aliam partem fluere ceperit: prior quidem alveus derelictus, eorum est, qui prope ripam eius prædia possident: novus autem fit iuris publici. Quod si post aliquod tempus ad veterem alveum reversum fuerit flumen: rursus is fit publici iuris: novus autem ille ad pristinum dominum non redit, sed fit eorum, qui prope ripam eius prædia possident.

§. 23. Inst. h. t. l. 7 §. 5. ff. de acquir. rer. domin. Hæc quidem ita ex stri-  
ctis iuris naturalis ratione: eo quod ille ager, qui fuerat, desierit esse.

amila



amissâ propriâ formâ. Formâ enim & species mutatur cum ex fundo sit alveus. At ex æquitate & benignitate ab illâ strictâ ratione recedendum est. Quod significat Gaius d. l. 7. §. 5. in fin. verbis illis: sed vix est ut id obineat.

#### X X I I I.

*Diversum est in Inundatione. Hæc enim regulariter fundi speciem non mutat: (a) ideoq, licet dominus agri inundati, eius possessionē (b) atq, dominium (c) interim amittat: tamen, si aqua recesserit, fundus ei restituitur, (d) atq, sic eius mansisse videtur. (e)*

a) §. 24. Inst. h. t. l. 7. §. 6. ff. de acquir. rer. dom. Aliud ergo erit, si mutaverit fundi speciem, & ex fundo alveum fecerit l. 30. §. 3. ff. de acquir. rer. dom. l. 1. §. 9. ff. de flumin. & arg. thes. preced. (b) l. 3. §. 17. l. 30. §. 3. ff. de acquir. poss. (c) l. 23. ff. quib. mod. usufr. amitt. (d) d. l. 23. & l. 24. ff. quib. mod. usufr. amitt. (e) d. §. 24. Inst. h. t. Quomodo etiam hæc phrasis accipitur in l. 30. C. de Jure dor. & l. pen. C. ad L. Falcid.

#### X X I V.

*Octavus modus est Specificatio. De qua, si quis ex alterius materiâ speciem aliquam novam fecisset, variæ erant prudentum opiniones; (a) sed media tandem sententia obtinuit: ut si quis ex aliena (b) materiâ sine domini voluntate, (c) speciem aliquam novâ, quæ ad rudem & priorem materiam reduci non possit, (d) bona fide (e) suoq, nomine (f) fecerit, (g) is sit eius speciei dominus. (h)*

a) propter diversarum regularum Iuris conflictum. Hinc enim stabat: quod, quicquid nullius est, id naturali ratione cedit occupanti,

*Sup. th. 8. & 9.* atqui species ista nova antea nullius fuerat, & simul atq; producta fuit, per istam specificationem, occupata à specificante videtur. *l. 7. §. 7. in pr. l. 26. pr. l. 27. §. 1. ff. de acquir. rer. domin.* Illinc verò: quod, quicquid ex re nostra sit, vel superest, id nostrum est. *l. 12. §. 3. ff. ad Exhib. l. 49. §. 1. ff. de Reivindic.* Atqui res ista ex materia nostra facta est & superest, cum sine materia species nulla esse possit. *d. l. 7. §. 7. ff. b. r. b)* scil. quæ in totum sit aliena. Si enim ex parte tantum fuerit alterius, ex parte verò specificantis, dubitandum non est, quin dominus fiat is qui fecit. *d. §. 25. vers. quod si partim. b. r.* ita tamen, ut si possit reduci ad pristinam materiam, quilibet maneat dominus suæ partis, *l. 12. §. 1. l. 27. §. ult. ff. de acquir. rer. dom.* (c) si enim dominus consenserit, non attenditur an species ad pristinam materiam reduci possit sed simpliciter specificantis est. *l. 25. ff. de acquir. rer. dom. §. 27. Inst. b. r. d)* *d. §. 25. vers. & post multam d. l. 7. §. 7. vers.* Est tamen etiam media, si reduci nequeat, non materia formæ, sed forma materiæ cedit. *d. l. 11. e)* Aliàs enim species nova ad dominum materiæ pertinet. *l. 12. §. 15. ff. ad Exhib. l. 52. §. 14. ff. de furt. l. 4. §. 20. ff. de usurpat.* (f) *l. 7. §. 7. l. 25. l. 27. §. 1. ult. ff. de acquir. rer. dom.* Sed quid si nomine Tertij fecerit? Tertij esse videtur: ut hæc sit regula, Qui suo nomine speciem faciens sibi acquirit: is alieno nomine faciens, ei acquirit, cuius nomine fecit: quatenus alius eidem acquirere possessionem, & per eam dominium potest. (g) non eam, quæ est, vel antea fuit, detexerit: ut qui grana, quæ spicis continebantur, excusserit. Et si enim grana in spicas reduci non possint: atq; idcirco exemplum excussiois illius, conditionem sive distinctionem propositam illustret, eaq; ratione referatur in *d. §. 25. Inst. b. r. & d. l. 2. §. 7.* tamen in eo diversitas consistit, quod excussio ista non est specificatio: cum speciem non faciat. *d. l. 7. §. 7. in fin. argum. a notatione & coniugatis.* (b) *d. §. 25. & d. l. 7. §. 7. & c.*

## X X V.

**Nonus est Accessio. Si quid rei alij principali perficienda (a) vel ornanda (b) accedit, id fit eius, cuius est res ipsa principalis (c)**

(b) ut vestimento purpura *§. 26. Inst. b. r.* statux pes aut manus: scypho fundus aut ansa: lecto, fulcrum: navi, tabula: ædificio, cæmen-

tum l. 26. §. 1. ff. de acquir. rer. dom. l. 23. §. 2. ff. de Rei vindicat. (b) veluti si gemina annulo ornando adhibetur, tum illa ut accessio huic tanquam principali cedit: & vicissim si annulus gemmæ ornandæ gratiâ factus est, annulus cedit gemmæ l. 19. §. 35 ff. de aur. & argent. leg. Quod si ignoretur utra res alteri accesserit, unaquæq; manebit suo domino l. 27. §. ult. ff. de acquir. rer. dom. l. 30. §. 1. & ibi Bartol. ff. de usucap. & usurpat. (c) d. §. 26. & d. l. 26. §. 1.

## X X V I.

*Decimus modus est Confusio. Si enim duorum materia (a) confusa sint, (b) totum utriusq; sit commune.*

a) liquidæ vel liquefactæ: ut vina, & metalla. (b) siue utriusq; voluntate, siue fortuito §. 27. Inst. b. t. l. 7. §. 8. & 9 ff. de acquir. rer. domin. Posteriore tamen casu adhibenda distinctio: ut si confusæ materiæ in suâ substantiâ manserunt, & commodè separari possunt, cuiq; pro parte eâ, quam contulit vindicatio competat. l. 3. §. 2. & l. 4. ff. de Rei vindicat. sin non manserint in suâ substantiâ, sed propria quædam species ex ijs orta sit, tum ea fiat confundentis seu specificantis l. 5. §. 1. ff. de rei vindicat. thes. 24. (c) pro indiviso scilicet, & proportionè geometrica d. l. 3. & 4. arg. §. 28. in fin. Inst. b. t. & arg. l. 6. ff. pro socio.

## X X V I I.

*Undecimus est Commixtio. Si enim duorum materia (a) voluntate (b) dominorum, misceantur, totum quod inde exiit, utriusq; sit commune. (c)*

a) solidæ, vel aridæ: veluti frumenta, pecora & nummi. (b) si casu: tum enim quisq; suæ rei dominus manet §. 28. vers. quod si casu. Inst. b. t. l. 5. pr. ff. de Rei vindicat. Peculiare tamen illud in nummis, ut si quis alienos cum suis eiusdè speciei & figuræ fortuito miscuerit, eorum dominus fiat l. 28. ff. d. solut. (c) pro indiviso, & proportionè geometrica ut thes. præced.

Duo-

Duo decimus est Inædificatio. (a) *Omne enim quod solo (b) inædificatur, solo cedit (c)*

a) vel ius soli. l. 25 pr. ff. de usur. sed id generalius, & præter hunc, etiam sequentes tres modos comprehendit, (b) privato scilicet vide thes. 18. lit. C. (c) Fit igitur dominus ædificij is qui dominus est soli; sive ipse in suo solo ex alterius materia ædificaverit §. 29. Inst. b. t. l. 7. §. 10. ff. de acquir. rer. domin. quamvis interim materiæ dominus, non desinat eiusdem dominus esse *dd. locis*. sive alius in ipsius solo ex materia sua ædificaverit §. 30. Inst. eod. tit. d. l. 7 §. 12. ff. d. t. quo casu, materiæ dominus, idemq; ædificator, desinit materiæ dominus esse, eamq; domino soli donasse intelligitur, utiq; si mala fide, sciens solum alienum esse ædificaverit, *dd. locis*. Atq; hinc naturale ius dicitur esse, quod superficies ad dominum soli pertineat l. 50. ff. ad L. Aquil.

X X I X.

Decimus tertius est Implantatio; *vel stirpium alienarum acquisitio. Quod enim in alieno solo plantatur, ex quo tempore radices egit, eius fit cuius solum est.*

§. 31. Inst. b. t. l. 7. §. ult. ff. de acquir. rer. domin.

X X X.

Decimus quartus est Satio, *vel segetis alienæ acquisitio. Qua enim ratione plantæ, quæ terræ coalescunt, solo cedunt: eadem ratione frumta quoq; quæ sata sunt solo cedere intelliguntur.*

§. 32. Inst. b. t. l. 9. pr. ff. de acquir. rer. domin.

X X X I.

Decimus quintus est Scriptura. *Litteræ enim licet aureæ sint, perinde chartis membranisq;*



*nisq; cedunt, ac solo cedere solent ea qua in adifican-  
cantur, implantantur, aut inseruntur.*

*§. 33. Inst. h. t. l. 9. §. 1. ff. de acquir. rer. domin.*

X X X I I.

*Non idem est in pictura. Hac enim quan-  
quam naturali ratione cedit tabula, qualiscunq;  
sit: (a) tamen civili ratione (b) placuit, tabulam  
picturæ cedere debere. (c)*

*a) Naturali enim iure semper superficies cedit solo. l. 50. ff. ad  
L. Aquil. l. 3. §. 7. ff. utipossid. dictum thes. preced. 28. 29. 30. 31. neq; atten-  
ditur pretium rei, alteri accedentis §. 26. ibi licet pretiosior. §. 33. ibi,  
licet aurea. Inst. h. t. cum necesse sit ei rei cedi, quod sine illa esse non  
potest. l. 23. §. 3. ff. de Reivindicat. Quæ verba coniecturam præbent,  
non de quæstione simplici, An sit, sed de coniuncta Cur sit, Paulum ibi-  
dem loqui, atq; idcirco ab alijs ICTis, & Imp. Iustiniano non dissentiri.  
(b) Ne scilicet absurdum illud sequatur, ut præstantissima pictu-  
ra, quamq; alius præter illum artificem, aut difficulter & raro exem-  
plo, aut nullo modo exprimere imitando possit, cedat tabulæ etiam  
vilissimæ §. 34. vers. ridiculum. Inst. h. t. (c) d. §. 34. l. 9. §. 2. ff. de acquir.  
rer. domin.*

X X X I I I.

*Decimus septimus est, Perceptio fructuū;  
Si quis enim à non-domino, quem dominum esse  
credebat, bonâ fide fundum (a) emerit, velex do-  
natione, (b) aliâve qualibet iustâ causâ, æquè  
bonâ fide acceperit, naturali ratione placuit fru-  
ctus (d) quos perceperit, (e) eius esse (f) pro  
cultura & curâ (g)*

*a) exempli causa scil: Idem enim in pecudum, aliarumve re-  
rum, fructu percipiendo. §. 37. Inst. h. t. l. 28. pr. ff. de usuris. l. 4. §. 19. ff.*

C

*de usucap.*

usufructu. l. 48. §. ult. ff. de acquir. rer. domin. §. 4. Inst. de usu & habit.  
b) Hinc patet non esse distinguendam inter titulum lucrativum &  
onerofum. (c) Intellige secundum subiectam materiam, acquirendi  
scil. rerum dominij: hoc est, quæ iustam dominij opinionem præ-  
beat: quomodo iustæ causæ sunt venditio, donatio, dos, & similes.  
b. §. 35. & §. 39. Institut. b. t. l. 31. princ. ff. de acquir. rer. dom. Idem tamen  
etiam est, si quis ex causâ pignoris rem acceperit. Nam & creditor  
(qui & ipse bonæ fidei possessor est. l. 22. §. 2. ff. de pignor. act. l. 22. §. 1. ff.  
de noxal. act. l. 13. §. 1. ff. de public. in rem act.) fructus ex re pignoratâ  
animo sibi acquirendi & debito imputandi percipiens, (quod ipsi fa-  
cere ius est. l. ult. C. de partu pignoris. l. 1. C. de distract. pignor. l. 1. 2. 3. &  
ult. C. de pignor. act.) &c. eos suos facit interim, dum scilicet debitum omne  
exolvatur, vel certè cum fructibus impuretur. Docuit præclare honoris  
causâ nominatus Dn. Doct. Iustus Meierus in vlt. §. 1. Justinianeis, decad. 5.  
cap. 4. Aliud est, si quis acceperit ex causa Precarij, vel Sequestri. Neq;  
enim vel Precariò possidens, vel Sequester, ius habet acquirendi fru-  
ctus rei precariò datæ, vel sequestro positæ: quamvis uterq; iuste possi-  
deat. d. l. 13. §. 1. ff. de Publiciana in rem act. d. l. 22. ff. de noxal. act. l. 7. §. 2.  
ff. Commun. divid. l. 21. vers. cum igitur. C. de Turtis. l. 17. §. 1. ff. Depositi. l. 39.  
ff. de acquir. poss. Atq; hoc forsan vult Pomponius in l. 45. ff. de Usur.  
quando inquit; Nec cuiuslibet bonæ fidei possessoris fieri fructus perceptos.  
Vtiq; enim non fiunt eius qui precariò possidet, nec sequestri: fiunt  
tamen eius qui opinione domini possidet: vel iure pignoris, hoc est  
creditoris: ut diximus. (d) Cum de industrialibus (h. e. ijs qui dili-  
gentiâ & operâ possessoris proveniunt. l. 48. pr. ff. de acquir. rer. dom.  
qui ex facto eius nascuntur, quosve is suis operis acquirit, l. 45. ff. de usur.)  
nihil exprimitur, potest coniectura capi quasi nec sententia Iusti-  
niani sit, ut requiratur an industriales illi fructus sint. arg. l. 8. ff. de Pu-  
blici. Imò cum Paulus in l. 48. in pr. & §. ult. ff. de acquir. rer. dom. diserte  
enunciet, Bonæ fidei possessorem non tantum eos fructus qui dili-  
gentiâ & operâ eius provenerunt, sed omnes, atq; etiam in specie ovium  
fœtus, lac & lanam, (vid. lit. A.) percipiendo suos facere: evidenti sima  
est, distinctionem illam hic locum habere non posse. (e) Percipien-  
do enim eius fiunt, non nascendo, aut consumendo. l. 48. pr. ff. de ac-  
quir. rer. domin. Perceptionem autem fructuum hic accipere debe-  
mus, non si perfecte collecti, sed etiam si cepti ita percipi, ut terrâ sese

continere desierint. l. 73. ff. de Rei vindic. d. l. 48. pr. vers. deniqz, nec dilinguimus, an ipse bonæ fidei possessor eos à solo separaverit, an verò alius: aut etiam an per se deciderint. l. 13. ff. Quib. mod. usufr. vel us. amitt. l. 25. §. 1. ff. de Usuris. Aliàs quamdiu solo cohærent fructus, fundi sunt. l. 61. §. 3. ff. de Furt. l. 44. ff. de Rei vind. Consumendo verò suos eos facere non nisi abusivè dicitur bonæ fidei possessor; veriùs lucrari. Rerum enim consumptarum, quæ in rerum naturâ esse desierunt, dominium esse non potest. (f) Interim scilicet: d. l. 48. pr. hoc est, ut si bonâ fide quoq; consumpti fuerint, eorum nomine nihil restituatur: si verò tum, cum res vindicabitur extant adhuc, ut tum, quando vis eorum dominus sit, (& quidem pleno iure. l. 28. pr. ff. de usur. ut scilicet usufructu opus non habeat) eos restituat. l. 22. C. de Rei vindic. aut si tum eos consumpserit, eo nomine teneatur §. 2. in fin. Inst. de offic. Judicis. Non verò absolute & irrevocabiliter, & iure perpetui dominij, (seu perfectè l. 38. §. 3. ff. de solut. & purè l. 3. §. 2. C. com. de legat.) Sic enim non modò naturales fructus eius non fiunt. d. l. 11. quomodo etiam comòdè accipi potest & reconciliari. d. l. 45. in fin. ff. de usur. Sed neq; industriales; quavis hi ita fiant mariti d. l. 45. pr. sed tantum consumptos hoc modo bonæ fidei possessor suos facit, vel potiùs lucratur. l. 40. ff. de acquir. rer. dom. & arg. §. 35. ibi, de fructibus ab eo consumptis. Inst. h. r. (g) d. §. 35. ut scilicet eo præmio invitetur ad rem undè fructus, sive naturales sive industriales, percipiuntur, colendam & curandam: ne doleat diligens operam suam agri dedisse culturæ, nec diligentiam suam sibi damnosam intelligat. l. ult. C. de Alluvion.

## X X X I V.

*Perceptione quoq; fructuum dominium acquirunt Usufructuarius (a) & colonus: (b) sed hitum demum, si ipsi eos perceperint. (c)*

(a) §. 36. princ. Inst. de rer. divis. (b) d. §. 36. vers. Eodem ferè.  
 (c) De usufructuario id expressum est in d. §. 36. ut & in l. 25. §. 1. ff. de usur. l. 13. ff. quib. mod. usufr. amitt. l. 12. §. 5. ff. de usufr. l. 8. ff. de annuis legatis. De Colono idem testatur Theophilus Paraphrastes Græcus ad b. §. 36. & facit l. 60. §. 5. ff. locati l. 52. §. 3. l. 61. §. 4. ff. de Furiis. Quod innuit etiam ratio ordinis. Aliàs enim de colono statim post bonæ fidei

dei possessorem tractari debuisset, cui similior esset, non post fructuarium. Suadet & hoc, quod tūc hīc tūc alibi Colonus cum Vusufructuario comparatur. l. 12. ff. quod vi aut clam.

X X X V.

Decimus octavus *modus est* Thesauri (a) inventio. (b) *Si quis enim Thesaurum, non malis artibus in loco suo, aut in sacro fortuito in-*  
*venerit, totum eum sibi acquirit: at partem tan-*  
*tum dimidiam, si in loco alieno privato, vel Cæ-*  
*saris, vel fisci, vel publico, vel civitatis* (c)

a) Thesaurus autem hīc accipitur in specie pro veteri quadam depositione pecuniæ, cuius non extat memoria, ut iam dominum nō habeat. Quod verò quis vel lacri causa, vel metus, vel custodiæ, sub terrā condiderit, non est thesaurus. l. 31. §. 1. ff. de acquir. rer. domin. b) Scil. non visio tantum, sed & apprehensio & occupatio. l. 3. §. 3. in fin. ff. de acquir. poss. dictum supra thes. 18. Atq; sic etiam Aristoteles lib. 1. Rhet. cap. 5. intervidere & invenire thesaurum distinguit. c) §. 39. Instit. b. 1. l. 63. per tot. ff. de acquir. rer. domin. l. 67. ff. de rei vindicat. l. unic. C. de thesaur. Ratione ea: quia eius fit qui invenerit, quod non alterius est. d. l. 31. eod. tit. sive, quòd ea quæ nullius in bonis sunt, naturali ratione occupantis fiant. dict. sup. thes. 8. & 9. A qua non absceditea, quòd thesaurus sit donum fortunæ. d. l. 63. §. 1. & 3. ff. d. t. Arist. 3. Eth. 3. vel potius Dei donum. d. l. un. C. de Thesauru.

X X X V I.

Decimus nonus est Traditio. (a) *De qua sic potest concipi regula: Si dominus, aut alius qui alienandi potestatem habet, rem suam ex causâ iustâ animo transferendi dominij, alteri eodem animo accipienti tradat, dominum eum iure naturali facit.* (b)

a) quæ



a) quæ est possessionis translatio. l. 3. ff. de act. empti. l. 8. C. cod. l. 28. ff. de verb. oblig. Ideoq; tantum est rerum corporalium. §. 40. ibi cuiuscunq; generis sit corporalis res. Inst. b. t. l. 3. §. 10. ff. de donat. inter vir. & uxor. l. 9. C. d. bon. proscripte. Incorporales verò res traditionem non recipiunt. l. 43. §. 1. ff. de acquir. rer. dom. (b) §. 40. 41. 42. 43. Inst. b. t. l. 9. §. 3. & 4. l. 31. l. 36. ff. de acquir. rer. dom. l. 18. ff. de reb. cred. l. 20. C. de Pactis.

### X X X V I I.

Vigésimus est, *Traditio ficta*. Si enim dominus rem suam quæ nullo dominij titulo apud alium est, adeoq; non interveniente traditione presenti, ex causâ ad dominium transferendum aptâ, retinere eum patitur; illâ ipsâ patientiâ & voluntate, quæ pro traditione est, dominum eum facit. (a) Idem est, si vice rei tradat symbolum. (b)

a) §. 44. Inst. b. t. l. 9. §. 5. ff. d. t. (b) veluti claves horrei. §. 45. Inst. b. t. l. 74. ff. de contrab. empti. vel instrumentum, sive scripturam quæ dominij probationem continet. l. 1. C. de donat. l. 15. C. de Rei vindic.

### X X X V I I I.

Vigésimus primus & postremus dominij iure naturali sive gentium acquirendi modus est, *Occupatio rei pro derelicto* (A) habitæ. Si enim rem (a) pro derelicto à domino habitam (b) occupaverit (c) quis, iure naturali statim eius dominus efficitur. (d)

A) Neutro genere, vel substantivè & absolutè, ut non referatur ad particulam Rei; quomodo Gellius l. 4. noâ. Attic. c. 12. arborem vineamq; derelictui habere dicit. Cui similes sunt illæ locutiones: pro suo possideo, l. 1. ff. pro suo. Sui iuris sumus, l. 20. ff. de novat.

& deleg. Sui heredes defuncto sumus. l. 3 ff. de pet. her. (a) sive mobilem, sive immobilem. Non enim distinguitur. (b) Pro derelicto autem habetur, quod dominus eà mente abiecerit, vel repudiaverit, (omiserit inquit Paulus in l. 2. §. 1 ff. pro derelicto) ut id in numero rerum suarum esse nolit. (c) Et si enim statim res desinit omittentis esse. d. l. 2. §. 1. l. 43. §. 5 ff. de furt: non fit ramen alterius, nisi possessa fuerit. d. l. 2. §. 1. Apprehensio igitur requiritur. l. 36. ff. de stipul. serv. dictum sup. thes. 9. Interim nullius, & sine domino erit, quamvis servus fuerit pro derelicto habitus. l. 38. ff. de noxal. act. (d) Quod enim nullius est, id naturali ratione occupanti conceditur. §. 12. Inst. b. c. l. 3. pr. ff. de acquir. possess.

### X X X I X.

*Non idem iuris est in occupatione rerum earum; quæ in tempestate levanda navis causa ejiciuntur. Hæ enim domingrum permanent: & ideo si quis eas sive fluctibus expulsas & in littore iacentes, sive in mari nantes, sive etiam submersas, lucrandi animo contrectaverit, furtum committit.*

§ ult. Inst. b. c. l. 9. § ult. ff. de acquir. rer. dom. l. 8. ff. de L. Rhodiæ de Jactu. arg. l. 13. pr. ff. de acquir. poss. l. 43. §. 11. ff. de furt. Et ratio est: Quia palàm est, eas non eo animo ejici, quod quis ea habere nolit, sed quò magis cum ipsa navi maris periculum effugiat; & quantum ex rebus illis salvum recipere possit, recipiat d. § ult. & dd. ll.

### X L.

*Eadem est ratio earum rerum quæ de rhedâ corrente non intelligentibus dominis cadunt: (a) aut quas onere pressus quis abiecit, mox cum alijs reversurus, ut auferret: (b) aut amisit naufragio: (c) aut fortè perdidit. (d)*

a) § ult.